

لکھنؤ

ت: ۱

۱ تشرین اول ۱۳۴۰

صافی: ۲۱، ۲۲

مخبر

اخلاق، اجتماعی، فلسفی، تاریخی، ادبی مجموعہ

شیمدیلک آیدہ بر نسر اولتور

مذہبات

- اجتماعیات درسری « مؤلفی محمد عزت » محمد علی عینی
- اسلام « صنعت » مصطفیٰ شکیب
- اون برنجی عضردہ تورک منابع عرفانی « مدرسہ لیر » مفتی ارفغلی، احمد حکمت
- ملوکی طیفلر (زادہ قمر) قمریہ حسین
- دیخی ادبیات علی سعاد
- آسیانک روحی ہامی
- ایکی مجهول شاعرہ احمد خلیل
- سپاوتہ قاضیسی اوغلی « شیخ بدرالدین » شرف الدین
- آناطولیدہ صبیحاق، سوووق معدنی صو پوکارلری م . شرف
- ابن خلدون دە اجتماعیات ضیاء الدین قمری
- حی بن یقطان « صوک » بابانہ زارہ، رشید

شہزادہ ہاشمی : اوقاف مطبعہ
۱۹۲۱ - ۱۹۲۰

آناطولیده صیجاق ، صوووق معدنی صو پوکارلری

بر مملکتک ، زراعی استعداد ، معدنی ثروت ، تجاری مساعده موقعی کبی طبیعت خزینه سنک بخشایش و مواهی میانده دوائی ماهیتی حائر معدن صولری ده بر موقع اشغال ایدر . حال اجتماعی و مدنی درجه سی یوکسک ملتر قدرتک کندیلکندن احضار و تقدیم ایتدیکی بو خواص شفائییه مالک صولردن بیقائمی و ایچمک صائمی صورتیله اعظمی انتفاعی فوت ایتزلر .

صولرینک یالکیز کیمیوی ، حکمی اوصافندن ناشی بوتون دنیا ده شهرت آلمش ؛ کندینه جلب ایتدیکی خسته وزائرلردولایسیله بویومش ، زنکین ، معموراوالمش برچوق شهرلر واردر :

آوروپاده : قارلسباد ، ویسبادن ، ویشی ، بادبادن ، شانهل کویون ، روایا بوربول ، مون دور ... الخ کبی قصبه لر معدنی صولریله معروفدر .

هر ییل بورالره دنیا تک هر طرفندن برای استحمام برچوق خلق هجوم ایتدیکندن بیقائمی ، آکائمک اطرافنده عصری بوتون احتیاجات و اسباب حضور و راحتی تأمین ایدجک حاملر ، اوتلر ، پارک ، اورمان تیاترو ، سینهمالر ... الخ تأسیسات و تکمالات صحیه وجوده کتیرلمشدر . حتی بورالری طانیمانلر بیله شیشه لر ایچنده بو صولری سفره لرنده ویا احتیاجلری آننده یانلرنده حاضر بولورلر .

*
**

وطنمزده ؛ بو قیل معدن صولری اعتباریله چوق زنکین در ؛ فقط تشکیلاتک نقصانی ، اهان و لاقیدی کبی مملکتیزی سجه لندیرن اسباب دولایسیله منسی و متروک قالمقده در . باشلیجه بروسه ، طربزون ولایتلرنده کیلرله - تقریباً اوچ درت دانه سی مستثنای دیگر حوالیمزده کی میاه معدنیه خلقمزجه پک آز ایشله تیلدیکی کبی بونلرک برچوقلری ده مجهولمزددر . هر نه قدر خلقمزک ایلجه لره رغبتی محدود اکثر سفرلریمزده معدن صولری استعمالی متعامل دکل ایسه ده احصائیات بونوع صولرک هر ییل مملکتیمزه ده افضله ادخال ایدلدیکنی و خارجه پاره ویردی کمزی کوسترییور . معدنی صولریمزدن استفاده ایدیه مه مسنک باشلیجه سبیلری موقعلرینک اوزاقلنی ، بویله اولماسه بیله وسائط نقلیه تک فقدانی ، اکی صو کره

استراحت و امنیتی احضار ایده جنک تاسیساتک بولنامسی در . حالا مملکتتمز قابلیجه لرینک تشکیلاتی ناتمام ایسه ده بونلر ترقی یولنه کیرمشلردر . مع هذا دیگر منابع حاره - بونلر ایچنده بعضیلری چوق مشهوردر . هرشیدن محروم برحاله در: نقلیات، خسته لرك التجاسی ایچون اولر ، آشیخانه و سائره .

بورالرده استحمام ایچون کلنلرک زحمتلی برسیاحتدن صو کره چادیرلر قورمق، بیه جگنی برابر کتیرملری ایجاب ایلر . اهالینک صحت و نظافتیه برابر منافع اقتص-ادیه اقطاعی ضمنده حکومت و بلدیهلرک بوصولرک محلی جزئی فائده لرینی تشمیل ایتملری شایان تمنی در .

*
* *

کتابیات - . میاه معدنیه من حقنده خصوصی تبغنامه لره تصادف ایده مدم . یالکنز محمد ضیا بکک بروسه دن قونیه یه سیاحت آدلی کوزل برارنده بروسه قابلیجه لری حقنده تاریخی معلوماتله صولرک اوصاف کیمیویه و دوائیه لری حقنده ایضاحات ویرلمکده در . (صولرک تحلیلالات راپورلری ده واردر .)

مقدما نشرینه همت اولنان ولایات سالنامه لرینه محلی میاه معدنیه حقنده مختصر معلومات درج ایدلشدر . فقط بونلر برر فنی تدقیق محصولی اولمقدن چوق اوزاق، بنا برین شایان احتیاج دکادر .

برقاچ جزء نشر اولنان ولایات جوغرافی صهی اجتماعیلر ننده ده بو بایده معلومات موجوددر . فقط مملکتتمزده معدن صوی تجارتی ویرلی معدن صولری حقنده جدی وفائده لی تبغاتی شرقده غابت فعال تجاری ، اقتصادی روللر ایفا ایدن استانبول فرانسه تجارت اوطه سنک آیلق (شرق تجارت مجموعه سی) طرفندن یاپیلش مذکور مجموعه نک یکر می دردنجی سنه سنک ۲۸۲ نومروسنی معدن صولری عنوانی آلتنده بو بجه حصر ایتمشدر .

*
* *

معدن صولری عنوانی آلتنده قعر ارضدن نبعان ایدن خصوصی علم منافع الاعضائی (فیزیولوژیک) اوصافه مالک بوتون صولر قصد اولنور . بناء علیه بو صولر خسته آدملره دوا مقامنده قابل تطبیق در . بعض منبعلرک تأثیر و اوصاف شفائسی اسکیدن بری معلوم ایدی ؛ فقط اوزون مدت معدنی صولرک بو اوصافی ایضاح ایتمک یولی بولنه مدی ؛ تحلیل کیمیوی بو صولر ایچنده کی معجزه وی اسراری ظاهره چیقاردی ؛ دها صو کرا کیمیانک

ترقیسیله شیمدی یه قدر مجهول قالان بوصولرده کی پره نسیپلر کشف اولندی ؛ بنا برین بو معلومات سایه سنده هر خسته لغه کوره بوصولردن بری انتخاب اولنور .

*
**

بوصولرک ترکیب و محتویات معدنیه سی اعتباریله تصنیفیدن اول نبعانلری حقتده براز فیزیک معلومات ویرمک موافقدر :

میا حاره Source termale ؛ اولاً سخوتی نقطه نظرندن : عادی درجه حرارتده معدنی صولر ؛ عادی درجه حرارتک فوقنده معدنی صولر اولوق اوزره ایکی یه آریلور . بز بونلردن یالکیز سفره لرده ایچیلنلره معدن صوی دیرز . آنادولوده بوقبیل صولره عمومیتله آجی صو ، ایچمه ، ایچمه جه اسمی ویریلور . چونکه عادی صودن طعمی نسبة غرقلی در .

مخلنده صیجاق ایکن استحمام ایدیلنلره ایلیجه دینور ؛ شاید ایلیجه لر اوزرینه حمام وبنالر یاپلش ایسه قاپلیجه دینور . آنادولوده بومثالو صیجاق منبعلره کوبولوریمز چرموک آدنی ویررلر .

منابع حاره نک ردژیملری بوتون مراسم مدتیجه منتظم اولمقه عادی صولردن فرق اولنورلر . بوصولر ، هر کون ایچدیکمز صوووق ، طوزلیلینی آز صولره نظراً غیرطبیعی برحال عرض ایدر .

میا حاره نک ظهوری خصوصیه Disloqué اولمش منطقه لر ویاندفاعات برکانبه ایله افقیقی زائل ارله رقی آلات اوست اولمش نواحی ایله مترافق در ؛ علی العاده معن چاتلاقلر نه ایتمده چیقار ؛ اکثریا بونوع یاریقلره (انشقاقات) مناسبته دار بولنور . حال سکونتیده کوزیکن برکانلرک کو کورتلی ، طوزلی صیجاق صولره مالک اولدقلری معلومدر . بو حال کره مزک داخلی قسم آتشینی ایله سطح ارضک اشتراکنه دلیلدر . اندفاعات اولماسه بیله چاتلاقلر آره سندن قعر ارضه صیزان صولر اوراده تماس ایتمکلی لاو وسائر مواد مذابه ایله تماس ویابونلرک اوزرنده طوپلانان غیرقابل نفوذ صو طبقه سی بالواسطه متأثر اوله جغندن سطح ارضه چیقدقلرنده آلدقلری حرارتی قسماً محافظه ایدرلر .

بونکه برابر ارضک سخوتی هر ۳۳ متره درینلکه ایندکجه حرارتک (۱°) تراید ایتمدیکی ده مثبت برکیفیتدر ؛ بطن ارضک غایت درین یرلردن کلن صولرک ده صیجاق اولمشی طبیعیدر . [۱]

مع مافیہ بوکون بو مینا حاره نك ارضك درینا کینه ایندکجه آرتان حرارت طبیعیه ایله اندفاع محصولی اولدیغنی تفریق ، آرده کی مناسبتك صحتی تحقیق کوچدر ؛ فقط حرکت و تزلزلات ارضیه ایلا صویك چیقدیغنی چاتلاق خطك (Faille) اینمه و چیقمه سی نتیجه سی منبعك حرارتی ده یو کسلیکی ویا آلچالیدیغنی واقعدر : نته کیم ؛ ۱۶۶۰ ده Bagneres - De bigore منبعلی صووودی ؛ بالعکس ۱۷۵۵ حرکت ارضی متعاقب ره ن منبعی (لوشون ده) حرارتی ۸° درجه دن ۵۰° چیقدی . شمعی به قدر معلوم اولان اکیصیجاق صو منبعلی مکسیقاده آغواس دولای به تری شهرای ۹۷° ، جزایر ده حمام مسکو تین ۹۵° شودرغ (اوودرنی) ۸۱° ، قارلسباد ۷۵° ، ویسبادن ۷۰° ؛ بربون له بون ۵۸° - ۶۵° به نه مس ۵۶° قوتورد ۵۵° ؛ بارز ۴۵° در .

بو صیجاق صولر اولدجه یو کسك حرارتلری حسیله لاولرک بخار حالده کی ترکیباتی ویا آره لرنده جریان ابتدکی طبقات صحوریه نك جواهر معدنیه سی محل وظیفه سی کوردرك تحلیل و استصحاب ایدر . بناء علیه بو صولر ترکیبات کیمیویه نقطه نظرندن مختلفدرلر . دو قور (L. hm) معدنی صولره دائر یازدیغنی شایان دقت برتبعنامه سنده بو صولری ترکیبات کیمیویه لری اساسنه مستنداً بر وجه آتی منطقی بر صورتده تصنیف ایتمشدر :

• حامضی غازی یا خود قار بو غازوز صولر : Saint - galmier بو صولر اندفاعات جدیده صحه سی اولان محللرده بو اورلر ؛ قاربات ، آبه نین ، اوودرنی کو کورتلی صولر : سولفورده سودیک ، سولفورده کالسیک

قلورلی صولر : ۱ قلوره سودیک (شاتل کویون) ۲ قلوره سودیک بی قاربوناته (لابوربول) laBourboule ، قلورسودیک سولفاتده ، قلوره سودیک سولفورده (اوریاژ) Oriage

• مضاعف قاربونلی صولر (قلی) : بی قاربوناته سودیک Vichy ، Vals ، Spa بی قاربوناته کالسیک Saint - galmier . مختلط مضاعف قاربونلی Montdor . بی قاربوناته قلوره Royat بی قاربوناته سولفورده قلورروره (شاتل کویون chatel-guyon) بو صولرده حاکم اولان سودک فضله لفی در .

[۱] پاریس ده غره نهل بورغو قویوسنك صوی (۲۵۴۸ م) ۲۸° ؛ ژنیس داغی تونلی (دوروغنك ۱۰۶۹ متره آشاغیسنده) ۲۸,۰° ؛ سن غوتار مرکزنده (۱۰۷۹ م ۳۰,۸° در . مون بلان آلتنده آچیله بق بر تونك درجه حراتی (۵۰°) ودها فضله اوله جی حساب اولونمشدره

کبریتی صولر : سولفات سودیک و مسهل اولهرق قوللانیلان سولفات دومانیهزی
(Sedlitz) سولفات قالسیک (بانیهردوبی غوز)

بو طوزلی صولرده منحل املاح چوق مقداردر :

قلورور دوسودیوم (عادی طوز) ، سولفات دوشو ، دوسود، دومانیهزی (اوکسوی)
چلیکلی دمیری صولر : (اورهززا ، پوغ Pouques ویشی ، شاتهل کویبون) بوصولر

دمیر طوزلری احتوا ایدر .

بولردن ماعدا کلسی صولر واردر : حاض قاربونی حمیده قاربونات دوشوبی احتوا

ایدر . بوغاز سربستجه هوایه انتشار ایدنجه کلس ترسب ایدر ؛ بوصولرک ایچنده بولنان
موادک اوزری کلس ایله اورتولور :

جزایرده حمام مسکوتین ایله مملکت مزده بلکه دنیانک اک مشهور بر عجیبه ارضیه سی

اولهرق عرض وجود ایدن پاموق قلعه تراوهرته نلری (ازمیر جوارنده) بو جنبه دندر :
۱۰۰ م ارتفاع ، ۴ ک . م کنیشلک ده شلاله لر .

برکانی منطقه لرده سیایسلی منبعلر واردر :

یرلی معدن صولری - معدن صولریمزی طی خواص وکیمیوی ترکیلرینه کوره

تصنیف اتمک بحث وصلاحیت مز خا جی در . ذاتاً شمیدیلک امکانسردر . یالکز مملکت مزده
اک مشهور و مستعمل معدن صولریمزک چیققلری محللر ایله عمومی اوصافی حتمنده
معلومات و برمه چالیشه جغز :

مملکت مزک یگانه موقف حازی ایزمیت کورفرزی ساخلنده (آدالرک قارشیسنده) قوری-

یالوادر .

یالوا کویلری برقاچ کیلومتره مسافه ده اولدیغندن بو نامه یاد اولتور . یرلیر بورایا

داغ حامی دیرلر .

بو همملرک مؤسسسی و مدیری دوقتور Z . F . Siotis اسمنده بر رومک [۲]

ویردیکی تفصیلاتی ترجمه عرض ایدیورم :

بو همملر بیتیا Pytilia و پیله پتیا Pylepythia ایلیچه لری نامیله پک اسکیدن بری معلومدر

[۲] بو متشبت ، غیور روم ؛ مملکت مزده پک اسکیدن بری بو ایشلرله سوره کلی ، عزمکا

یر صورتده اوغراشمش ، بو یوزدن پک چوق ثروت ادخارینه موفق اولشدر . مرقومک الیو

پک اوغلی - کوچوک پارمق قابوده بو قبیل پایولری معروفدر . متشبتلریمزه عبرت و غیرت !

بو حاملره، اساساً بورالی اولان ایمپراطور قوسطانتین و آنهسی نهلهن طرفدن خلقه رغبت ایتدیرلشدر . قوسطانتین مضطرب اولدیغی روماتیزمه و برجلد خستهانی ایچون بو صولر آئی کلدیکندن منتظماً بو حاملره دوام ایدیوردی . بو حشمتاب مشترینک پیله بیتیا حاملرینه صیق صیق دوامی بیزانس صنوف خواصی (آریس-توقرات) آره-سندده موده حالی آلدی . ژوستینین ؛ صولری طوبلامق ، جدولر آچق خصوصنده بویوک مساعی صرف ایتدی ؛ حتی Procop بو ایمپراطوره عاند مدایحده آیاه-وفیهنک انشاسی یاننده بو مهم مآزیده ذکر ایدیور . ایمپراطور یجه ته اودورا بویکی تأسیساتک رسم کشادی ایچون ۳۰,۰۰۰ کیشیک معیتله بورایه کلشدر : [۳]

صلیبون دورنده بوتون بیتیا حوالیسی تخریب ایدلدیکندن بیتیا حاملرینک ده برچوق عصر اناسنده بولوندقلری یرلر اونوتولدی . حتی اونک حقیقی یری پیله بیلنمیور . بو حاملری آجان سلطان محمودک هکیمی Milingen در . والده سلطانی تداوی ایچون بورایه کوندردی . او زمان اورمان قلع ایدلدی ، ژوستینین تأسیساتی خرابه لرنده بعض حاملر وجوده کتیرلدی . وسائط نقلیهنک مشکلاتنه رغماً استانبولک کبار خلقی اوروپا صولرینه کیتمک مساعدهسی منع ایدلمش ایکن سریع تداوی ضمنتده زمان ووسائطک مفقودیتنه رغماً ایلك بهارده قوری - یالوایه کلیرلردی .

۱۹۸۱ ده حکومت بو منبعلری برانزو نامنده بر فرانسیزه کیرالادی ؛ بو آدم صولری زمانک جمعیت طیبه شاهانه سنده تدقیق ایتدیره رک بک اوغلی سوسیته سفی علاقه دار ایتدی . ۱۹۱۰ ده بر اوستریا شرکته ویرلدی . بو شرکت کنیش بر حمام مؤسسسهسی ، مسافر خانلر ، منفرد شالهر یایدیردی اورمانه ، قوری و یالوایه ایکی جاده آچدیردی . قوری ده بویوک بر اوتل غازینو ، یازین آچیلایق دکز حاملری انشاسنه باشلادی . حربدن اول بوراده خسته لقلری تداوی ایده جک خصوصی بر مؤسسسه طیبه وجوده کتیرمک متصوردی : بخار ماء دوشلری ، فسقیه لی بانیولر، الکتریک تطبیقاتی والحاصل اوروپانک بو قییل تأسیساتنده کی مکملیتله رقابت ایده جک بر حاله افراغ ایدیله جکدی ؛ بو صورتله خارجه کیتمک زحمتندن ، باره طرفندن مستغنی قاله جقدق .

یالووا قاپایچه لری صولرینک اوصاف کیمیویه و طیبه سنه کلنجه :

[۳] یونان تاریخ و ملتک مبالغه سنه بوراده ده تصادف ایدیورز . بو مقداره قولایجه ایی

صفر فضله قونلدیغنی محقق کورملیدر .

صولر چوق صیجاقدر ۶۳ - ۶۸ تجول ایدر .

فرانسهده Neris آوستریاده Gartener مشاهددر . قوتلی رادیو آفتیو خاصه سی وارددر .
بو صولرک ایچنده متوفق بر پرنسیپ یوقدر . احتوا ایتدیکی معدنک مجموعی .

۱,۵۰۴۴۵۷ در .

۰,۰۰۱۶	ایدروژن سولفور
۰,۴۶۷	سولفات دوکالسیوم
۰,۶۱۳	» سودیوم
۰,۱۴۲	کلورردوکالسیوم
۰,۰۰۰۶	بی قاربونات دوفر
۰,۰۰۵۰	آسید - الیسیلیک

شایان ذکر مهم مواد بوتلردر .

بوموادک ألم اعصاب ، آغریلی روماتیزمه ، ضعف اعصاب سطحی بعض جلد خسته اقلرینه .
(حاد اکزما ، کفکی یوز تخریشتانی) چوق مؤثر اولدیغی تأین اولنیور .

عمومیتله بو صولر جلد ایچون چوق نافعدر . خصوصیه جلدده قدیفه کی یوموشاقلق
طراوت بخش ایتدیکندن بالخاصه قادینلرجه چوق مقبول و مرغوبدر .

دیگرلرینی کله جک نسیخده ذکر ایده جکزر . ۱۳ - ۹ - ۴۰ م . شرف



« ابن خلدون » ده اجتماعیات

- مابعد -

- ۶ -

عصری مورخلرک نتیجه تدقیقاتنه نظر آقرون وسطاده کی آوروپا حکوماتی مؤسسیرینک
تأسیس ایتدکاری حربی و عسکری تشکیلات ایله مترافق نفوذلرینک محافظه سی نقطه
نظرندن ابن خلدونک « فاتح » لره توجیه ایتدیکی تدبیرلر جلداً تدقیق و مطالعه یه شایاندر .
دیورکه : « یکی بر - لاله نک طرفدارلری ، یعنی بوسلالایی تأسیس ایدن و اونک محافظه سینه
چالیشان مظفر بزمیت ، مملکتک اطرافنه طاغیالمالی ، و هرولایتده یکی فتح ایدیان قلعه لری